

Broj: 555/21

Datum: 19.08.2021. godine

Na osnovu člana 18. stav (1), člana 87. stav (3) i člana 90. Zakona o javnim nabavkama („Službeni glasnik BiH“, broj: 39/14), člana 4. Pravilnika o postupku direktnog sporazuma („Službeni glasnik BiH“, broj: 90/14) i člana 4. Pravilnika o postupku direktnog sporazuma JU Osnovne škole „Gostović“ broj: 264/16 , direktor JU Osnovne škole „Gostović“ , donosi

ODLUKU

o pokretanju postupka javne nabavke prevoza učenika (redovan prevoz) za period od 01.09.2021. godine do 30.09.2021. godine

Član 1.

Odobrava se pokretanje postupka javne nabavke putem direktnog sporazuma: Prevoz učenika JU Osnovne škole „Gostović“ za period od 01.09.2021. godine do 30.09.2021. godine .

Usluga prevoza učenika podrazumjevaju redovan i bezbjedan prijevoz učenika na relaciji: mjesto stanovanja učenika – škola i obratno , i to:

1. Mahoje-Gostović(škola) 13 učenika
2. Bajvati1-Gostović(škola)..... 20 učenika
3. Poljice1-Gostović(škola) 34 učenika

Prevoz mora biti usklađen sa početkom i završetkom nastave, a u sve u cilju blagovremenog dolaska i odlaska učenika u i iz škole i na osnovu potreba škole .

Navedene usluge podrazumijevaju dovoljan broj registrovanih i tehnički ispravnih autobusa, koje prema predviđenoj satnici početka i završetka nastave, mogu u odgovarajućem broju polazaka i povratka zadovoljiti potrebe škole.

Svi drugi potrebni detalji koji definišu količinu predmeta nabavke, relacije, broj učenika i smjene, vrijeme polaska, vrijeme povratka, jasno će se navesti i definisani u Obrascu za cijenu ponude-usluge koji se nalazi u prilogu Poziva za dostavljanje ponuda za predmetnu nabavku.

Član 2.

Procijenjena ukupna vrijednost iz člana 1. ove Odluke iznosi 3.624,50 KM bez uračunatog PDV.

Član 3.

Javna nabavka će se provesti putem **Direktnog** sporazuma.

Član 4.

Zakonski okvir za provođenje postupka javne nabavke je sadržan u članu 87. i 90. Zakona o javnim nabavkama-Direktni sporazum.

Član 5.

Ova nabavka se finansira iz sredstava budžeta Ze-do kantona za 2021. godinu na poziciji JU Osnovne škole „Gostović“ na ekonomskom kodu 613900-ugovorene i druge posebne usluge.

Član 6.

Opis, obim i količina usluga koje su predmet nabavke a koja su odobrena ovom odlukom definisani su u Zahtjevu za dostavu ponuda za predmetnu nabavku.

Član 7.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Član 8.

Kriteriji za dodjelu ugovora je najniža cijena.

Član 9.

Ugovorni organ predviđa zaključivanje ugovora sa izabranim ponuđačem na period od 01.09.2021. godine do 30.09.2021. godine.

Član 10.

Školski odbor JU Osnovne škole „Gostović“, Odlukom broj:334/21 od 21.05.2021. godine imenovao je Komisiju za javnu nabavku usluge prijevoza učenika JU Osnovne škole „Gostović“ u školskoj 2021/2022. godini ,koja će provesti postupak ocjene ponuda u skladu sa Zakonom o javnim nabavkama, sačiniti Zapisnik o javnom otvaranju ponuda, Zapisnik o pregledu i ocjeni ponuda .

Član 11.

Za realizaciju ove Odluke zadužuje se Komisija za javne nabavke imenovana Odlukom broj: 334/21 od 21.05.2021. godine

Član 12.

Ova odluka stupa na snagu danom donošenja, a objavit će se na Web stranici: osgostovic.edu.ba

Obrazloženje

JU Osnovna škola „Gostović“ je dana 16.06.2021. godine Odlukom broj: 400/21 pokrenula konkurentski zahtjev za nabavku usluge prevoza učenika za školsku 2021/2022. godinu za potrebe JU Osnovna škola „Gostović“ Zavidovići.

Tenderska dokumentacija broj:401/21 od 16.06.2021. godine objavljena je 16.06.2021. godine na portalu javnih nabavki.

Obavještenje o nabavci broj: 989-7-2-1-3-3/21 od 16.06.2021. godine objavljeno je na portalu javnih nabavki 16.06.2021. godine.

Dana, 23.06.2021. godine jedan od zainteresiranih ponuđača uložio je žalbu na Tendersku dokumentaciju, a koja je kod ugovornog organa primljena 25.06.2021. godine.

Škola je nakon zaprimljene žalbe donijela Odluku broj: 431/21 od 25.06.2021. godine o odgađanju postupka konkurentskog zahtjeva za dostavu ponuda za nabavku usluge prevoza učenika za školsku 2021/2022. godinu za potrebe JU Osnovna škola „Gostović“ Zavidovići, do okončanja postupka po žalbi.

Žalba je zajedno sa izjašnjenjem na žalbu u zakonskom roku poslana preporučenom poštom na adresu Ureda za razmatranje žalbi BiH, podružnica Mostar.

Na osnovu Rješenja Ureda za razmatranje žalbi BiH, podružnica Mostar, broj: JN2-03-07-1-1778-7/21 od 05.08.2021. godine, odbija se žalba žalioaca, žalba je neosnovana.

U skladu sa navedenim, škola donosi odluku o nastavku postupka javne nabavke.

Dana, 13.08.2021. godine škola objavljuje Ispravku za obavještenje o nabavci broj: 989-7-2-1-8-5/21 i vrši Izmjene i dopune Tenderske dokumentacije iz razloga isteka roka za prijem i otvaranje ponuda koji se zakazuje za 23.08.2021. godine.

Iz naprijed navedenog vidi se da je škola na vrijeme pokrenula postupak javne nabavke prevoza učenika za školsku 2021/2022. godinu, ali zbog ulaganja žalbe jednog od ponuđača, postupak je obustavljen, pa nakon odbijanja žalbe kao neosnovane ponovo nastavljen, ali ne može biti završen do početka nastave u školskoj 2021/2022. godini.

Do okončanja navedenog konkurentskog zahtjeva potrebno je obezbjediti redovan prijevoz učenika za period od 01.09.2021. godine do 30.09.2021. godine.

Predložena nabavka planirana je u Budžetu JU Osnovne škole „Gostović“ za 2021. godinu na poziciji 22020039 na ekonomskom kodu 613900- ugovorene i druge posebne usluge, da je realno procijenjena njena vrijednost, predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove odluke.



Dirèktor:
Dževdet Muhić
Dževdet Muhić